

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
NOV 4 1939

T 3178/6122.82
0023

四川通志卷之二十二

哈佛大學漢和
圖書館珍藏印

兵制

易象地水爲師而箕疇八政亦以師終之蓋弧矢
之利所以威天下也故兵可百年不用不可一日
不備况西蜀遠居天末崇山密箐三面距邊尤稱
用武之地哉我

朝聲教暨訖蠻夷率服而

聖天子乃眷西顧猶塵

睿謀凡蜀中要隘安營置汛莫不權其險易而輕重布

四川通志 卷之二十二
之大小相維遠近相應洵疆隅永固而民生世世安堵矣作兵制志

周武王孟津之師庸蜀羌髳微盧彭濮來會著於尚書巴師勇銳歌舞以凌殷人倒戈故世稱之曰武王伐紂前歌後舞也

秦惠王遣張儀司馬錯都尉墨等從石牛道伐蜀滅之錯率巴蜀之士十萬浮江伐楚取商於之地爲黔中郡修整里闈張市列肆與咸陽同制

漢高帝前踵秦制置材官於郡國十一年發巴蜀材

官衛軍壩上

武帝置犍爲郡後平西南夷置牂牁越巂二郡以益州刺史領之

蜀漢昭烈帝初置五軍其將校畧如西漢而兵有散騎武騎之別改益州爲建寧郡諸葛武侯治蜀以八陣法教閱戰士

晉武帝泰始八年王濬用蜀兵伐吳戍卒八萬

武帝分置益州並設護南蠻校尉以太尉司徒大將軍大都督遙領之

西川通志 卷之二十二
太康元年既平吳詔悉去州郡兵蜀郡武吏百人
小郡五十人

梁武陵王紀在蜀器甲殷積有馬八千匹

北魏恭帝元年加尉遲迴督十八州自劔閣以南得
承制封拜黜陟

北周大象元年設益州總管督諸軍事

隋文帝仍用齊府兵之舊制而加潤色分左右二衛
皆置將軍以分統之蜀設劔南安撫使益州行軍
總管領其兵

開皇元年以蜀王秀爲益州總管

唐元宗始置劔南節度使領兵事遙治之

德宗元年以韋臯爲西川節度使十八年吐蕃攻
維州韋臯遣兵千人前行自將數萬人踵其後襲
擊吐蕃大破之

憲宗元和元年劔南節度管兵三萬四千八百人
馬三千匹

文宗以李德裕爲西川節度使德裕至鎮作籌邊
樓圖蜀地形訓練士卒葺保障以備邊僞蜀王建

武成二年講武於星宿山步騎二十萬官馬八千私馬四千

後唐明宗天成元年蜀騎兵三千步兵二萬四千孟知祥增置六千人

宋太祖乾德二年詔以王全斌爲西川行營前軍率禁軍步騎二萬人諸州兵萬人都部署三年四月詔改王全斌總置四川威化耀武等軍並爲虎捷開寶八年設夔州路義軍土丁壯丁州縣籍稅戶充或自溪洞歸投分隸邊寨習知山川道路遇蠻

入寇遣使征討官軍但據險策應之其校長之名隨州縣補置月給衣糧犒賞有差有功者以次遷渝州懷化軍江津巴縣巡邊將皆州縣調補其戶下率有子弟客丁遇有寇警一切責辦土戶

太宗以蜀中地遠切於防微凡弓弩鎗劍民家不得私藏乾德三年冬始置克寧兵士指揮以千人爲額四年又以老小歸降者添爲千人號羅城指揮又以縻棗堰衝決招防河一百人五年又招威棹兵士一千人咸平中升克寧威棹羅城兵士八

百人爲忠武指揮教閱有御陣法其法備載趙清獻公抃古今記

仁宗慶曆五年密召益利梓夔鈐轄以弓弩習士卒候民間觀聽寢熟後卽以短兵日教三十人十日一易

皇祐二年詔四川戍兵及二年而未得代者罷歸鈐轄司以土兵歲一代之

嘉祐二年籍稅戶應常役外五丁點一爲兵四川通省共得三萬九千八百人分隊伍行陣日習槍

鏢排武藝號教閱廂庫戍西川者舊不訓練嘉祐以後始日習焉

神宗熙寧四年以樞密院言四川路克寧以上招到軍各支小鐵錢一千糧二石春衣絹一疋小鐵錢十千冬衣絹一疋綿八兩小鐵錢五千並從之七年經制瀘州夷事熊本募上丁五千人入夷界蕩平其地二百四十里募民耕墾聯其夷屬以爲保甲

八年王安石言募兵未可全罷民兵則可漸復至

四川通志 卷之三十一
於劔南邊地尤不可緩訓練之法當什伍其人拔其材武之士以爲什百長自首領以下各以祿利獎勸使自勤於閱習

九年詔四川經畧使統番戍諸路有事卽以征討哲宗元符二年詔四川沿邊州縣城池樓櫓各務修治有不治者罪之

徽宗崇寧元年川峽置安遠軍四川路步軍之額自開遠而下並改曰克寧凡一百一十一指揮軍二萬三千四百人而克寧成都蜀漢雅邛嘉綿陵

彭眉簡戎榮普資梓合瀘遂渠昌果懷安廣安興元洋利龍劔蓬壁安興文德三泉夔渝涪葛達開旋忠雲中大寧威棹成都嘉眉簡梓州路諸州軍劔安德夔渝涪萬安雲

政和六年瀘南安撫使孫羲叟奏邊民冒法買夷人田依法盡拘入官招置土丁子弟見招到二千四百餘人欲令畱番上從之

宣和四年詔茂州石泉軍舊管子弟番土守把不諳射藝選施黔兵善射者各五十人分任教習候

四川通志 卷之三十一 五
精熟日遣回

孝宗淳熙五年四川刺史胡元質言關外西河階成鳳四州所聚兵民謂之忠勇皆以土兵爲之向來虞允文團結四川忠勇軍其後不能增募乞令四川守臣添募仍立賞格

元世祖元年置元帥府萬戶之下置總管萬戶佩金虎符千戶之下置把總千戶佩金符百戶之下置彈壓百戶佩銀符立樞密院以總之世祖三年平蜀後立萬戶府及千戶所以統軍士遇方面有警

則置行省樞密院以總之事已則廢而移都鎮撫司屬行省至元七年命成都府括民三萬一千七十五戶爲僉義軍士凡四川腹裏萬戶之府曰成都等路萬戶府保寧萬戶府敘瀘等處萬戶府重慶五路守鎮萬戶府嘉定萬戶府順慶等處萬戶府以兵籍係軍機重務漢人不閱其數雖樞密近臣職專軍旅者惟長官一二人知之故有國百年而內外兵數之多寡人莫有知之者

至元三年以夔府劉整行中書省於成都潼川兩

四川通志 卷之三十一 兵制
路分東西兩川都元帥

七年以金州軍八百隸東川統軍司還成都忽朗吉軍戍東川

十二年二月詔以東川新得城寨逼近夔府恐南兵來侵發鞏昌路補僉軍三千人戍之

十五年八月安西王言川蜀旣平城邑山寨洞穴凡八十三所其渠州等處凡三十三所宜以兵鎮守餘悉撤去從之

成宗大德元年六月碉門魚通及黎雅諸處民戶不奉國法議以兵戍其地發新附軍五百人蒙古軍一百人漢軍四百人往鎮戍七月以西川蒙古軍七千人新附軍三千人付皇子安西王八月調夔府招討張萬之新附軍俾四川西道宣慰使也罕的斤將之戍幹端

七年四月調碉門四川軍一千人鎮守羅羅斯

九年以行播州軍民使楊漢英爲紹慶南平等處沿邊宣慰司管軍萬戶佩虎符

武宗至大四年雲南八百媳婦大小徹里作耗調

四川省蒙古漢軍四千人命萬戶囊加解部領赴雲南鎮守其四川行省言本省地方東南控接荆湖西北襟連秦隴阻山帶江密邇番蠻素號天險古稱極邊重地乞於存恤軍內調二千人往從之仁宗延祐四年十一月陝西都萬戶府言礪門探馬赤軍一百五十名鎮守多年乞放還元翼樞密院臣議彼中亦係要地不宜放還止令於元翼起遣一百五十名三年一更鎮守原調四川各翼漢軍一千名鎮守礪門黎雅亦令一體更代

泰定帝三年調礪門安撫司軍七百人成都保寧順慶廣安諸屯兵七千令萬戶周戡統領直抵羅羅斯界以控扼西番及諸蠻部

文宗至順二年七月以隆興西京軍士代上都戍卒還西川先是上都屯戍士卒皆在西川而戍西川者多隆興西京軍士每歲轉輸不勝勞費至是更之

明洪武初年立大都督府節制中外諸軍事若有征討之役以公侯伯充總兵官名曰掛印將軍其在

外鎮守地方武臣置都指揮使司以領衛所置總兵叅將遊擊守備以司攻守諸軍在外者謂之翼洪武中改翼曰衛有指揮使等官各衛所官軍分番教閱大率以五千六百人爲一衛一千二百一十六人爲一千戶所一百一十二人爲一百戶所每一百戶設總旗二人小旗十人管領大小相維以成隊伍四川都司所屬二十一衛所原額十六萬三千六百三十六名有大征伐或量調各土司兵聽官兵總領節制指使

三年詔四川立民兵萬戶簡民間武勇教之技擊編隊伍時操練有事用以征伐無事爲民

永樂四年四川備禦用湖廣官軍五千不足復添五千分班輪戍

宣宗宣德元年以平蠻將軍都督方政副總兵蔣貴鎮守松潘

是年又以四川伍籍空虛籍民兵編保甲有土丁民壯之名鞍馬器械悉從官給免本戶糧五石丁一二丁事故不許勾補

英宗正統元年以提督松潘兵部侍郎羅綺總兵
都督徐海整飭四川邊務

萬曆甲戌春正月用相國張居正言命兵部右侍
郎曾省吾巡撫四川提督軍務總兵以下悉聽節
制一切便宜從事

熹宗天啓七年以朱燮元總督川湖雲貴廣西五
省軍務

皇清順治三年奉

旨特命孟喬芳總督四川全省文武事務十四年九月以

四川巡撫李國英陞授川陝總督標下額設五營
將備千把馬步兵丁康熙元年七月奉

旨特命總督四川全省文武事務兼理糧餉駐劄重慶府
居中調度康熙六年以苗澄總督四川七年劉兆
麒接任旋奉裁康熙十九年以楊茂勳總督四川
軍務雍正九年二月二十九日欽奉

上諭川陝二省地方數千里甚爲遼闊今西邊有辦理
軍需之事總督一員難以控制向來川省曾設總督
今仍着添設四川總督一員卽以四川提督黃廷桂

補授欽此後吏部議授總督四川等處地方軍務兼
理糧餉兵部右侍郎兼都察院右副都御史仍帶
拖沙喇哈番紀錄三次職銜奉

旨依議

嗣於雍正十三年
十二月內奉裁

督標

額設督標中軍管中營副將一員 中軍都司一
員 千總二員 把總四員
額設馬兵一百名 步戰兵二百二十五名 守
兵一百七十五名

馬步戰守兵共五百名馬一百匹

以上兵
馬奉裁

撫標

額設左右二營

中軍兼左營叅將一員 守備一員 千總二員
把總四員

右營遊擊一員 守備一員 千總二員 把總
四員

額設馬兵三百名 步戰兵三百七十四名 守
兵六百二十六名

馬步戰守兵共一千三百名馬三百匹

康熙元年臺議設川省總統彈壓諸軍以運餉副將梁加琦有威望

特授是職設立總統標營後官兵俱奉裁

提標

提標額設中左右前後五營

中軍兼中營叅將一員 中軍守備一員 千總

二員 把總四員

左營遊擊一員 守備一員 千總二員 把總

四員

右營遊擊一員 守備一員 千總二員 把總

四員

前營遊擊一員 守備一員 千總二員 把總

四員

後營遊擊一員 守備一員 千總二員 把總

四員

額設馬兵九百六十五名 步戰兵一千七百二十七名 守兵六百三十三名

馬步戰守兵共三千三百二十五名馬九百六十五匹

駐防

康熙五十七年八月奉

旨特設滿洲駐防成都八旗滿洲官兵副都統一員 協

領五員 佐領十九員 防禦二十四員 驍騎

校二十四員 壯大八名 前鋒一百五十二名

撥什庫一百四十四名

甲兵一千二百九十六名 匠役九十六名 砲

手四十八名 步兵四百名 馬五千三百四十

三匹 兵房四千九百八十間 每兵一名住三間 共計四千八百間

餘給弓匠鐵匠 一百八十間 倉房四十間 庫房四十間

演武廳三間 牧地週圍六千二百八十六弓 坐落

沙河 舖東

川北鎮總兵官一員 鎮屬 七營

鎮標額設中軍管中營遊擊一員 中軍守備一

員 千總二員 把總四員

左營遊擊一員 守備一員 千總二員 把總

四員

右營遊擊一員 守備一員 千總二員 把總

四員

額設馬兵四百名 步戰兵六百名 守兵一千

名

馬步戰守共二千名馬四百匹

一駐劄保寧府城 總兵官一員 遊擊二員 守

備三員 千總一員 把總三員

馬步戰守兵一千三百三十七名

一分防廣元縣汛 把總一員 帶領馬步戰守兵

五十名

一分防朝天鎮汛 千總一員 帶領馬步戰守兵

一百四名

一分防南江縣汛 千總一員 帶領馬步戰守兵

三十名

一分防南部縣汛 把總一員 帶領馬步戰守兵

三十名

一分防昭化縣汛 把總一員 帶領馬步戰守兵

一百一十七名

一分防蒼溪縣汛 千總一員 帶領馬步戰守兵

十五名

一分防劍州汛 把總一員 帶領馬步戰守兵八

十五名

一分防蓬溪縣汛 把總一員 帶領馬步戰守兵

三十名

一分防安岳縣汛 千總一員 帶領馬步戰守兵

十二名

一分防遂寧縣汛 把總一員 帶領馬步戰守兵

五十六名

一分防樂至縣汛 把總一員 帶領馬步戰守兵

十四名

一分防射洪縣汛 千總一員 帶領馬步戰守兵

三十八名

一分防鹽亭縣汛 把總一員 帶領馬步戰守兵

十五名

一分防梓潼縣汛 把總一員 帶領馬步戰守兵

六十七名

順慶營額設遊擊一員 守備一員 千總二員

把總三員

額設馬兵七十五名 步戰兵一百五名 守兵

二百二十名

馬步戰守兵共四百名馬七十五匹

一駐劄順慶府城 遊擊一員 守備一員 千總

一員

馬步戰守兵二百五十五名

一分防西充縣汛 外委千總一員 帶領馬步戰
守兵十三名

一分防蓬州汛 把總一員 帶領馬步戰守兵二
十五名

一分防營山縣汛 外委把總一員 帶領馬步戰
守兵三十七名

一分防儀隴縣汛 外委把總一員 帶領馬步戰
守兵十二名

一分防鄰水縣汛 千總一員 帶領馬步戰守兵

十六名

一分防廣安州汛 把總一員 帶領馬步戰守兵

二十四名

一分防岳池縣汛 把總一員 帶領馬步戰守兵

十五名

達州營額設遊擊一員 守備一員 千總一員

把總二員

額設馬兵四十名 步戰兵一百四十名 守兵

二百二十名

馬步戰守兵共四百名馬四十匹

一駐劄直隸達州城 遊擊一員 守備一員 千

總一員

馬步戰守兵二百九十名

一分防東鄉縣汛 把總一員 帶領馬步戰守兵

四十名

一分防渠縣汛 外委千總一員 帶領馬步戰守

兵四十四名

一分防大竹縣汛 把總一員 帶領馬步戰守兵

二十五名

太平營額設都司一員 千總一員 把總二員

額設馬兵二十名 步戰兵一百三名 守兵一

百六十七名

馬步戰守兵共三百名馬三十匹

一駐劄太平縣城 都司一員 千總一員

馬步戰守兵二百四名

一分防大竹河汛 把總一員 帶領馬步戰守兵

三十名

一分防城口汛 把總一員 帶領馬步戰守兵三十名

一分防明通井汛 外委千總一員 帶領馬步戰

守兵十七名

一分防桃花洞汛 外委把總一員 帶領馬步戰

守兵十七名

通巴營額設都司一員 把總二員

額設馬兵四十名 步戰兵四十五名 守兵一

百一十五名

馬步戰守兵共二百名馬四十四匹

一駐劄通江縣毛浴鎮 都司一員

馬步戰守兵一百一名

一分防通江縣汛 把總一員 帶領馬步戰守兵

四十三名

一分防巴州汛 把總一員 帶領馬步戰守兵五

十六名

以上順慶達州太平通巴等營俱屬川北鎮管轄

重慶鎮總兵官一員

鎮屬六營

鎮標額設中軍管中營遊擊一員 中軍守備一

員 千總二員 把總四員

左營遊擊一員 守備一員 千總二員 把總

四員

右營遊擊一員 守備一員 千總二員 把總

四員

額設馬兵二百名 步戰兵八百名 守兵一千

名

馬步戰守兵共二千名馬二百匹

一駐劄重慶府城 總兵官一員 遊擊三員 守

備二員 千總五員 把總九員

馬步戰守兵一千三百四十一名

一分防長壽縣汛 把總一員 帶領馬步戰守兵

五十名

一分防綦江縣汛 外委把總一員 帶領馬步戰

守兵五十名

一分防南川縣汛 外委把總一員 帶領馬步戰

守兵五十名

一分防璧山縣汛 外委把總一員 帶領馬步戰

守兵五十名

一分防永川縣汛 把總一員 帶領馬步戰守兵

五十名

一分防榮昌縣汛 外委千總一員 帶領馬步戰

守兵五十名

一分防江津縣汛 外委把總一員 帶領馬步戰

守兵五十名

一分防大足縣汛 外委把總一員 帶領馬步戰

守兵五十名

一分防合州汛 千總一員 帶領馬步戰守兵五十名

一分防定遠縣汛 外委把總一員 帶領馬步戰守兵五十名

一分防銅梁縣汛 外委把總一員 帶領馬步戰守兵五十名

一分防安居縣汛 外委把總一員 帶領馬步戰守兵五十名

一分防涪州汛 把總一員 帶領馬步戰守兵五十名

雍正十三年爲敬籌酉陽安設事宜以彰

聖化事案內抽撥馬步戰守兵二百名移駐三合場酉

陽司治新營

三合場營新設遊擊一員 守備一員 千總二員 把總四員

馬兵八十名 步戰兵二百九十名 守兵四百

三十名

馬步戰守兵共八百名馬八十匹

一駐劄三合場 遊擊一員 千總一員 把總一員

員

馬步戰守兵三百七十八名

一分防邑梅汛 把總一員 帶領馬步戰守兵四

十名

一分防洪安汛 把總一員 帶領馬步戰守兵四

十名

一分防石堤汛 外委把總一員 帶領馬步戰守

兵二十名

一分防濫泥灣汛 外委把總一員 帶領馬步戰

守兵二十名

一三合場營分設酉陽司守備一員 千總一員

把總一員

馬兵三十名 步戰兵一百一十五名 守兵一

百五十五名

馬步戰守兵共三百名馬三十匹

一駐劄酉陽司治 守備一員 把總一員

馬步戰守兵二百十八名

一分防龍潭汛 千總一員 帶領馬步戰守兵五十名

一分防龔灘汛 外委把總一員 帶領馬步戰守兵十五名

一分防大溪口汛 外委把總一員 帶領馬步戰守兵十五名

黔彭營額設遊擊一員 守備一員 千總二員 把總四員

馬兵五十名 步戰兵一百九十名 守兵二百六十名

馬步戰守兵共五百名馬五十四匹

一駐劄黔彭軍民府城 遊擊一員 千總一員 把總二員

馬步戰守兵三百名

一分防郁山鎮汛 守備一員 把總二員 帶領馬步戰守兵一百五十名

一分防彭水縣汛 千總一員 帶領馬步戰守兵

五十名

雍正十三年為敬籌西陽安設事宜以彰

聖化事案內抽撥遊擊一員守備一員千總一員把總

二員馬步戰守兵二百名移駐三合場新營黔彭

營改設都司一員

忠州營額設都司一員 千總一員 把總二員

馬兵二十五名 步戰兵六十二名 守兵一百

六十三名

馬步戰守兵共二百五十名馬二十五匹

一駐劄直隸忠州城 都司一員 千總一員

馬步戰守兵一百八十五名

一分防墊江縣汛 把總一員 帶領馬步戰守兵

四十名

一分防酆都縣汛 把總一員 帶領馬步戰守兵

二十五名

以上三合西陽黔彭忠州等營俱屬重慶鎮管轄

松潘鎮總兵官一員 鎮屬十營

鎮標額設中軍管中營遊擊一員 中軍守備一

員 千總二員 把總四員

左營遊擊一員 守備一員 千總二員 把總

四員

右營遊擊一員 守備一員 千總二員 把總

四員

額設馬兵四百名 步戰兵六百名 守兵一千

名

馬步戰守兵共二千名馬四百匹

一駐劄松潘城 總兵官一員 遊擊二員 守備

三員 千總三員 把總八員

馬步戰守兵一千八百四十四名

一分防流沙關汛 千總一員 帶領馬步戰守兵

三十名

一分防羊角溪汛 把總一員 帶領馬步戰守兵

五十名

一分防望山汛 把總一員 帶領馬步戰守兵十

名

一分防風洞關汛 千總一員 帶領馬步戰守兵

十五名

一分防商巴汛 把總一員 外委把總一員 帶領馬步戰守兵十五名

一分防鎮遠墩汛 把總一員 外委把總一員

帶領馬步戰守兵十五名

一分防三舍汛 千總一員 帶領馬步戰守兵十九名

龍安營額設叅將一員 守備一員 千總二員 把總五員

額設馬兵一百一十名 步戰兵一百六十名 守兵三百八十名

馬步戰守兵共六百五十名馬一百一十四匹

一駐劄龍安府城 叅將一員 守備一員 千總一員 把總一員

馬步戰守兵三百五十名

一分防江油縣汛 千總一員 帶領馬步戰守兵六十五名

一分防彰明縣汛 把總一員 帶領馬步戰守兵

三十五名

一分防石泉縣汛 把總一員 帶領馬步戰守兵

五十名

一分防青川汛 把總一員 帶領馬步戰守兵七

十名

一分防葭溪汛 把總一員 帶領馬步戰守兵八

十名

威茂營額設叅將一員 守備一員 千總二員

把總四員

額設馬兵一百一十名 步戰兵一百五十名

守兵三百四十名

馬步戰守兵共六百名馬一百一十四匹

一駐劄直隸茂州城 叅將一員 守備一員

馬步戰守兵三百名

一分防茂州東路汛 千總一員 帶領馬步戰守

兵五十名

一分防茂州北路汛 千總一員 帶領馬步戰守

兵五十名

四川通志 卷之二十一
一 分防茂州南路汛 把總一員 帶領馬步戰守兵五十名

一 分防汶川縣汶路汛 把總一員 帶領馬步戰守兵五十名

一 分防保縣西路汛 把總一員 帶領馬步戰守兵五十名

一 分防保縣汛 把總一員 帶領馬步戰守兵五十名

漳臘營額設遊擊一員 守備一員 千總二員

把總四員

額設馬兵一百五名 步戰兵一百七十名 守兵三百六十五名

馬步戰守兵共六百四十名馬一百五匹

一 駐劄漳臘 遊擊一員 守備一員 把總二員

馬步戰守兵四百八十五名

一 分防黃勝關汛 千總一員 帶領馬步戰守兵五十名

一 分防紅橋關汛 把總一員 帶領馬步戰守兵

四十五名

一分防柏木橋汛 千總一員 帶領馬步戰守兵

四十五名

一分防崇畔汛 把總一員 帶領馬步戰守兵十

五名

小河營額設遊擊一員 守備一員 千總一員

把總二員

額設馬兵八十名 步戰兵一百一十名 守兵

二百六十名

馬步戰守兵共四百五十名馬八十匹

一駐劄小河 遊擊一員 守備一員

馬步戰守兵二百八十四名

一分防峯崖汛 千總一員 帶領馬步戰守兵六

十七名

一分防麻地口汛 把總一員 帶領馬步戰守兵

二十名

一分防革塔壩汛 外委千總一員 帶領馬步戰

守兵十五名

一分防寺望堡汛 把總一員 帶領馬步戰守兵四十七名

一分防松壩汛 外委把總一員 帶領馬步戰守兵十五名

豐溪營額設遊擊一員 守備一員 千總一員 把總二員

額設馬兵八十名 步戰兵一百一十七名 守兵三百三名

馬步戰守兵共五百名馬八十匹

一駐劄豐溪 遊擊一員 守備一員

馬步戰守兵二百四十名

一分防七族汛 千總一員 帶領馬步戰守兵二十名

一分防永鎮堡汛 把總一員 帶領馬步戰守兵八十名

一分防大定堡汛 把總一員 帶領馬步戰守兵六十名

平番營額設都司一員 千總一員 把總二員

額設馬兵四十五名 步戰兵七十五名 守兵一百三十名

馬步戰守兵共二百五十名馬四十五匹

一駐劄平番 都司一員 千總一員

馬步戰守兵一百八十三名

一分防北路九關塘汛 把總一員 帶領馬步戰

守兵三十八名

一分防南路六關塘汛 把總一員 帶領馬步戰

守兵二十九名

南坪營額設守備一員 千總一員 把總二員

額設馬兵六十名 步戰兵九十名 守兵一百

五十名

馬步戰守兵共三百名馬六十四匹

一駐劄南坪 守備一員 千總一員

馬步戰守兵二百名

一分防會龍堡汛 把總一員 帶領馬步戰守兵

五十名

一分防隆康堡汛 把總一員 帶領馬步戰守兵

五十名

以上龍安威茂漳臘小河疊溪平番南坪等營俱屬松潘鎮管轄

建昌鎮總兵官一員

鎮屬十
二營

鎮標額設中軍管中營遊擊一員 中軍守備一

員 千總二員 把總四員

左營遊擊一員 守備一員 千總二員 把總

四員

右營遊擊一員 守備一員 千總二員 把總

四員

額設馬兵四百名 步戰兵六百名 守兵一千
名

馬步戰守兵共二千名馬四百匹

一駐劄西昌縣城 總兵官一員 遊擊二員 守

備一員 千總五員 把總二員

馬步戰守兵一千一百二十二名

一分防木托汎 守備一員 把總一員 帶領馬

步戰守兵一百十八名

四川通志 卷之二十一 兵制
一分防娘子庄汛 外委把總一員 帶領馬步戰守兵十七名

一分防青龍汛 外委把總一員 帶領馬步戰守兵十五名

一分防定番汛 把總一員 帶領馬步戰守兵二十六名

一分防虐郎汛 把總一員 帶領馬步戰守兵二十名

一分防缸碓汛 外委把總一員 帶領馬步戰守

兵七名

一分防北山汛 把總一員 帶領馬步戰守兵三十名

一分防涼水井汛 外委把總一員 帶領馬步戰守兵十八名

一分防西溪汛 守備一員 把總一員 外委把總一員 帶領馬步戰守兵一百九十九名

一分防廟角營汛 外委把總一員 帶領馬步戰守兵十名

四分防大水塘汛 外委把總一員 帶領馬步戰守兵十名

一分防德昌汛 把總一員 帶領馬步戰守兵四十一名

一分防罵石囉汛 把總一員 外委把總一員 帶領馬步戰守兵三十四名

一分防馬平壩汛 把總一員 外委把總一員 帶領馬步戰守兵三十六名

一分防熱水汛 遊擊一員 千總一員 把總一

員 外委千總一員 帶領馬步戰守兵二百五十名

一分防溪龍汛 把總一員 外委把總一員 帶

領馬步戰守兵三十六名

晃山營額設遊擊一員 守備一員 千總二員

把總四員

額設馬兵一百一十五名 步戰兵一百一十五

名 守兵五百六十名

馬步戰守兵共八百名馬一百一十五匹

雍正十一年抽撥兵丁二百名於新設瀘寧嘉順
 懷遠三營充補止存馬步戰守兵六百名十三年
 裁去守備一員千總一員把總二員馬步戰守兵
 三百名將遊擊改為都司令瀘寧營參將管轄
 一駐劄冕寧縣城 都司一員 千總一員
 馬步戰守兵一百六十名

一分防北山關汛 把總一員 帶領馬步戰守兵
 四十名

一分防青山嘴汛 外委把總一員 帶領馬步戰

守兵十五名

一分防高山堡汛 外委把總一員 帶領馬步戰

守兵四十名

一分防瀘沽汛 把總一員 帶領馬步戰守兵四

十三名

會川營額設遊擊一員 守備一員 千總二員

把總二員

額設馬兵八十名 步戰兵七十名 守兵三百

五十名

馬步戰守兵共五百名馬八十四匹

一駐劄會理州城 遊擊一員

馬步戰守兵二百名

一分防姜舟苦竹壩汛 守備一員 外委把總一

員 帶領馬步戰守兵一百四十九名

一分防會理汛 千總一員 外委把總一員 帶

領馬步戰守兵四十九名

一分防黎溪汛 千總一員 外委千總一員 帶

領馬步戰守兵四十九名

一分防迷易丙谷汛 把總一員 外委把總一員

帶領馬步戰守兵十九名

一分防夷門汛 把總一員 帶領馬步戰守兵三

十名

越嶲營額設守備一員 把總一員

額設馬兵五十名 步戰兵六十名 守兵一百

四十名

馬步戰守兵共二百五十名馬五十四匹

雍正四年於川省應行事宜案內以越嶲汛廣兵

單僅設守備一員難以彈壓添設遊擊一員十一年改設叅將一員原設守備一員添設千總二員原設把總一員添設把總二員添設馬兵三十五名步戰兵一百一十七名守兵一百九十八名新舊馬步戰守兵共六百名馬八十五匹十三年抽撥守備一員帶領把總一員外委把總一員馬步戰守兵一百二十名分隸柏香

一駐劄越嶲衛城 叅將一員 千總一員 把總一員

馬步戰守兵二百七十六名

一分防小哨汛 千總一員 帶領馬步戰守兵五十名

十名

一分防土城汛 外委千總一員 帶領馬步戰守

兵五十名

一分防河東汛 把總一員 帶領馬步戰守兵二十名

十名

一分防青岡關汛 外委把總一員 帶領馬步戰

守兵二十名

一分防利濟汛 外委把總一員 帶領馬步戰守
兵三十名

一分防梅子汛 外委把總一員 帶領馬步戰守
兵二十名

會鹽營額設守備一員 把總一員

額設馬兵五十名 步戰兵五十名 守兵一百

五十名

馬步戰守兵共二百五十名馬五十匹

雍正六年以會鹽營汛廣兵單為仰仗

天威等事案內添設遊擊一員千總二員把總一員添

設馬兵二十五名步戰兵三十二名守兵一百九

十三名新舊馬步戰守兵共五百名馬七十五匹

一駐劄鹽源縣城 遊擊一員 千總一員

馬步戰守兵二百五十名

一分防河西汛 守備一員 把總一員 帶領馬

步戰守兵一百名

一分防打冲河汛 外委把總一員 帶領馬步戰

守兵五名

一分防白鹽井汛 把總一員 帶領馬步戰守兵五十名

一分防黃草壩汛 千總一員 帶領馬步戰守兵九十四名

寧越營改設都司一員 添設千總一員 把總二員

額設馬兵六十名 步戰兵六十七名 守兵二百七十三名

馬步戰守兵共四百名馬六十匹

一駐劄海棠城 都司一員 千總一員

馬步戰守兵一百九十三名

一分防蒼葉坪分水嶺汛 外委把總一員 帶領

馬步戰守兵五十九名

一分防平壩汛 外委把總一員 帶領馬步戰守

兵二十一名

一分防河南站汛 把總一員 帶領馬步戰守兵

四十五名

一分防大樹堡汛 把總一員 帶領馬步戰守兵

四十五名

一分防貴皮羅汛 外委把總一員 帶領馬步戰

守兵三十四名

靖遠營額設遊擊一員 守備一員 千總二員

把總四員

額設馬兵五十名 步戰兵九十名 守兵三百

六十名

馬步戰守兵共五百名馬五十匹

一駐劄冕寧縣地方乾縣 遊擊一員 守備一員

千總一員 把總二員

馬步戰守兵二百五十名

一分防波羅汛 外委把總一員 帶領馬步戰守

兵五十六名

一分防密坡汛 外委把總一員 帶領馬步戰守

兵二十名

一分防古路橋汛 把總一員 外委把總一員

帶領馬步戰守兵三十名

一分防冕山汛 千總一員 帶領馬步戰守兵五

十名

一分防登相嶺汛 外委千總一員 帶領馬步戰

守兵四十名

一分防龍潭溝汛 把總一員 帶領馬步戰守兵

五十名

雍正六年於仰仗

天威等事案內新設披砂營欽奉

俞旨更名永定營新設遊擊一員 中軍守備一員

千總二員 把總四員

馬兵五十名 步戰兵九十名 守兵三百六十

名

新設馬步戰守兵共五百名馬五十匹

新建土城一座

一駐劄永定營土城 都司一員 千總一員

馬步戰守兵二百名

一分防巴松汛 把總一員 帶領馬步戰守兵五

十名

一分防半站營汛 把總一員 帶領馬步戰守兵

五十名

雍正十三年爲請

旨量加裁改以益地方事案內裁去守備一員千總一員把總二員馬步戰守兵二百名將遊擊改爲都司

雍正六年於仰仗

天威等事案內柏香營新設都司一員 千總一員 把總一員

馬兵三十名 步戰兵五十四名 守兵二百一

十六名

新設馬步戰守兵共二百名馬三十四

雍正十三年爲請

旨量加裁改以益地方事案內裁去都司一員千總一員把總一員馬步戰守兵一百八十名令越嶺營守備一員帶領把總一員外委把總一員馬步戰守兵一百二十名分隸柏香

雍正十一年於遵

旨議奏事案內建昌鎮屬添設二營

瀘寧營新設叅將一員 守備二員 千總四員

把總四員

馬兵一百二十名 步戰兵四百八十名 守兵

六百名

新設馬步戰守兵共一千二百名馬一百二十四

一駐劄瀘寧 叅將一員 守備一員 千總一員

把總二員

馬步戰守兵四百二十名

一分防廟頂汛 千總一員 帶領馬步戰守兵一

百名

一分防磔多汛 外委把總一員 帶領馬步戰守

兵五十名

一分防查凹汛 外委把總一員 帶領馬步戰守

兵五十名

一分防瀘沽汛 千總一員 帶領馬步戰守兵一

百名

一分防木羅汛 外委把總一員 帶領馬步戰守

兵五十名

一分防接興汛 千總一員 帶領馬步戰守兵一百名

一分防糯居五堡汛 守備一員 把總二員 帶領馬步戰守兵二百八十八名

一分防腊估汛 外委把總一員 帶領馬步戰守兵四十六名

嘉順營新設都司一員 千總一員 把總二員 馬兵四十名 步戰兵一百六十名 守兵二百名

新設馬步戰守兵共四百名馬四十四匹

一駐劄嘉順 都司一員 千總一員

馬步戰守兵二百三十五名

一分防黑磱山汛 把總一員 帶領馬步戰守兵

六十名

一分防麥地溝汛 把總一員 帶領馬步戰守兵

六十名

一分防趕到底汛 外委把總一員 帶領馬步戰守兵十四名

一分防卡卡汛 外委千總一員 帶領馬步戰守兵十四名

一分防哈哈刻媽木汛 外委把總一員 帶領馬步戰守兵十四名

懷遠營新設都司一員 千總一員 把總二員

馬兵四十名 步戰兵一百六十名 守兵二百名

新設馬步戰守兵共四百名馬四十匹

一駐劄懷遠 都司一員 千總一員

馬步戰守兵二百名

一分防白宿凹汛 把總一員 帶領馬步戰守兵六十名

一分防白路溝汛 把總一員 帶領馬步戰守兵二十九名

一分防罵吾呷汛 外委把總一員 帶領馬步戰守兵二十四名

一分防松林汛 外委把總一員 帶領馬步戰守兵六十四名

一協防趕到底汛 外委把總一員 帶領馬步戰
守兵二十名

新設三營其馬步戰守兵二千名係挑選雍正九
年新兵一千八百名又撥冕山營舊兵二百名充
補

以上冕山會川越嶲會鹽寧越靖遠永定栢香瀘
寧嘉順懷遠等營俱屬建昌鎮管轄

永寧協額設副將一員

協屬
九營

左營都司一員 守備一員 千總二員 把總

四員

右營都司一員 守備一員 千總二員 把總
四員

額設馬兵一百二十名 步戰兵四百八十名
守兵六百名

馬步戰守兵共一千二百名馬一百二十四匹

一駐劄永寧縣城 副將一員 都司一員 守備

一員 千總二員 把總三員

馬步戰守兵五百七十四名

一分防江安縣汛 都司一員 千總一員 帶領
馬步戰守兵一百五十四名

一分防敘永廳汛 守備一員 千總一員 把總

一員 帶領馬步戰守兵三百一十七名

一分防納谿縣汛 把總一員 帶領馬步戰守兵
三十四名

一分防瀘衛汛 把總一員 帶領馬步戰守兵十
名

一分防瀘州汛 把總一員 帶領馬步戰守兵四

十六名

一分防合江縣汛 把總一員 帶領馬步戰守兵

四十名

一分防赤水汛 外委千總一員 帶領馬步戰守

兵二十四名

叙馬營額設遊擊一員 守備一員 千總二員

把總三員

額設馬兵四十三名 步戰兵一百四十三名

守兵二百四十三名

四川通志 卷之二十一 兵制
馬步戰守兵共四百二十九名馬四十三匹

一駐劄敘州府城 遊擊一員 守備一員 把總

一員

馬步戰守兵二百八十七名

一分防北路菜壩塘汛 千總一員 帶領馬步戰

守兵二十六名

一分防隆昌縣汛 千總一員 帶領馬步戰守兵

五十五名

一分防慶符縣汛 把總一員 帶領馬步戰守兵

二十一
二十一

一分防馬湖汛 把總一員 帶領馬步戰守兵二

十五名

一分防橫江汛 外委把總一員 帶領馬步戰守

兵十四名

建武營額設遊擊一員 守備一員 千總一員

把總二員

額設馬兵三十九名 步戰兵一百五十一名

守兵二百名

馬步戰守兵共三百九十名馬三十九匹

一駐劄建武廳城 遊擊一員 守備一員 把總

一員

馬步戰守兵二百六十名

一分防筠連縣汛 千總一員 外委千總一員

帶領馬步戰守兵五十名

一分防珙縣汛 把總一員 外委把總一員 帶

領馬步戰守兵二十名

一分防丹稜汛 外委把總一員 帶領馬步戰守

兵三十名

一分防張家嘴汛 外委把總一員 帶領馬步戰

守兵二十六名

馬邊營額設都司一員 千總一員 把總二員

額設馬步戰守兵共二百四十名於雍正七年爲
遵

旨查議事案內增添兵丁一百六十名

馬兵四十名 步戰兵一百五十三名 守兵二

百七名

新舊馬步戰守兵共四百名馬四十匹

一駐劄馬邊 都司一員

馬步戰守兵一百八十四名

一分防兩河汛 千總一員 帶領馬步戰守兵三

十八名

一分防永樂汛 外委千總一員 帶領馬步戰守

兵八名

一分防隴勝汛 把總一員 帶領馬步戰守兵四

十五名

一分防上溪下溪汛 外委把總一員 帶領馬步

戰守兵二十九名

一分防西寧汛 把總一員 帶領馬步戰守兵八

十名

一分防沙灣汛 外委把總一員 帶領馬步戰守

兵十三名

大壩營額設都司一員 把總一員

額設馬兵二十名 步戰兵五十名 守兵一百

三十名

馬步戰守兵共二百名馬二十匹

一駐劄大壩 都司一員

馬步戰守兵一百五十二名

一分防興文縣汛 把總一員 外委把總一員

帶領馬步戰守兵四十七名

龍場營額設守備一員 把總一員

額設馬兵十九名 步戰兵五十一名 守兵一

百二十名

馬步戰守兵共一百九十名馬十九匹

一駐劄龍場 守備一員

馬步戰守兵一百六十六名

一分防火馬臥泥河等十二塘汛 把總一員 帶

領馬步戰守兵二十四名

普安營額設遊擊一員 守備一員 千總二員

把總四員

額設馬兵八十名 步戰兵三百二十名 守兵

四百名

馬步戰守兵共八百名馬八十匹

一駐劄普安 遊擊一員 千總一員 把總一員
馬步戰守兵四百一十九名

一分防烏角汛 守備一員 把總一員 帶領馬
步戰守兵一百五十名

一分防牛吃水汛 千總一員 帶領馬步戰守兵
一百名

一分防豆沙溪南汛 把總一員 帶領馬步戰守
兵五十名

一分防那比汛 把總一員 帶領馬步戰守兵五

十名

一分防虎跳汛 外委千總一員 帶領馬步戰守
兵三十名

安阜營額設都司一員 千總一員 把總二員

額設馬兵四十名 步戰兵一百六十名 守兵

二百名

馬步戰守兵共四百名馬四十四匹

一駐劄直隸雷波衛 都司一員 千總一員

馬步戰守兵二百四十九名

一分防那古汛 把總一員 帶領馬步戰守兵四十九名

一分防海腦汛 外委把總一員 帶領馬步戰守兵十名

一分防箐口汛 把總一員 帶領馬步戰守兵六十五名

一分防沙灣汛 外委把總一員 帶領馬步戰守兵二十五名

以上敘馬建武馬邊大壩龍場普安安阜等營俱

屬永寧協管轄

夔州協額設副將一員 協屬四營

左營都司一員 千總二員 把總四員

右營守備一員 千總二員 把總四員

額設馬兵一百二十名 步戰兵四百八十名

守兵六百名

馬步戰守兵共一千二百名馬一百二十四

一駐劄夔州府城 副將一員 都司一員 守備

一員 千總二員 把總六員

馬步戰守兵八百七十三名

一分防開縣汛 把總一員 帶領馬步戰守兵八十名

一分防新寧縣汛 把總一員 帶領馬步戰守兵三十名

一分防雲陽縣汛 千總一員 帶領馬步戰守兵八十六名

一分防大寧縣汛 千總一員 帶領馬步戰守兵一百名

一分防大坪汛 外委把總一員 帶領馬步戰守兵三十名

巫山營額設遊擊一員 守備一員 千總二員 把總二員

額設馬兵四十名 步戰兵一百四十名 守兵二百二十名

馬步戰守兵共四百名馬四十四匹

一駐劄巫山縣城 遊擊一員 守備一員 千總一員 把總一員

馬步戰守兵二百四十名

一分防建始縣汛 把總一員 帶領馬步戰守兵
八十名

一分防大昌縣汛 千總一員 帶領馬步戰守兵
八十名

梁萬營額設都司一員 把總一員

額設馬兵二十名 步戰兵三十名 守兵一百
五十名

馬步戰守兵共二百名馬二十一匹

一駐劄萬縣城 都司一員

馬步戰守兵一百五十名

一分防梁山縣汛 把總一員 帶領馬步戰守兵
五十名

以上巫山梁萬等營俱屬夔州協管轄

泰寧協額設副將一員 都司一員 千總一員
把總二員

額設馬兵七十五名 步戰兵一百六十七名
守兵二百五十八名

新添馬兵二十名 步戰兵三十名 守兵五十名

新舊馬步戰守兵共六百名馬九十五匹

以上官兵俱駐劄噶達泰寧城並無分駐雍正十

三年裁移化林坪本年八月四川總督黃廷桂

奏請化林營改爲泰寧協

泰寧協改設副將一員

協屬五營

左營都司一員 千總一員 把總二員

右營都司一員 千總一員 把總二員

額設馬兵一百名 步戰兵三百七十五名 守

兵五百二十五名

馬步戰守兵共一千名馬一百匹

一駐劄化林城 副將一員 都司一員 千總二

員 把總三員

馬步戰守兵七百五十名

一分防瀘定橋汛 都司一員 把總一員 帶領

馬步戰守兵二百名

一分防泥頭汛 外委千總一員 帶領馬步戰守

兵四十九名

化林營額設都司一員 千總一員 把總二員

額設馬兵四十五名 步戰兵九十九名 守兵

一百五十六名

馬步戰守兵共三百名馬四十五匹

雍正十三年改爲泰寧協左營

德靖營額設都司一員 千總二員

額設馬兵八十名 步戰兵一百二十名 守兵

二百名

馬步戰守兵共四百名馬八十匹

一駐劄德靖中渡 都司一員

馬步戰守兵二百名

一分防上渡汛 千總一員 帶領馬步戰守兵一

百名

一分防下渡汛 千總一員 帶領馬步戰守兵一

百名

雍正十三年裁汰

欽定寧安營額設都司一員 千總一員 把總一員

額設馬兵六十名 步戰兵九十名 守兵一百五十名

馬步戰守兵共三百名馬六十匹

雍正十三年裁汰

阜和營額設都司一員 添設千總一員 把總一員

原額設馬兵二十名 步戰兵六十七名 守兵

一百十三名

新添設馬兵十名 步戰兵四十名 守兵五十

名

新舊馬步戰守兵共三百名馬二十四匹

一駐劄阜和 都司一員 千總一員 把總一員

馬步戰守兵二百一十八名

一分防打箭爐汛 外委把總一員 帶領馬步戰

守兵五十名

一分防惠遠廟汛 外委把總一員 帶領馬步戰

守兵三十名

黎雅營額設遊擊一員 守備一員 千總二員

把總四員

額設馬兵八十名 步戰兵一百三名 守兵二百七十三名

新添撥馬兵四名 步戰兵十六名 守兵二十四名

馬步戰守兵共五百名馬八十四匹

一駐劄雅州府城 遊擊一員 千總一員 把總一員

馬步戰守兵二百八名

一分防榮經縣汛 外委千總一員 帶領馬步戰守兵三十名

一分防清溪縣汛 守備一員 把總一員 帶領馬步戰守兵八十名

一分防富林營汛 把總一員 帶領馬步戰守兵四十名

一分防天全州汛 千總一員 帶領馬步戰守兵五十名

一分防蘆山縣汛 外委把總一員 帶領馬步戰

守兵二十九名

一分防名山縣汛 把總一員 帶領馬步戰守兵

三十名

一分防蒲江縣汛 外委把總一員 帶領馬步戰

守兵三十名

峩邊營額設遊擊一員 守備一員 千總二員

把總二員

額設馬兵七十八名 步戰兵八十五名 守兵

三百三十七名

馬步戰守兵共五百名馬七十八匹

一駐劄峩眉縣城 遊擊一員

馬步戰守兵一百名

一分防太平墩汛 守備一員 帶領馬步戰守兵

七十一名

一分防嘉定府汛 千總一員 帶領馬步戰守兵

八十名

一分防歸化堡汛 千總一員 帶領馬步戰守兵

八十名

一分防捲木池汛 把總一員 帶領馬步戰守兵五十名

一分防直隸眉州汛 把總一員 帶領馬步戰守兵五十名

一分防夾江縣汛 外委千總一員 帶領馬步戰守兵五十名

一分防洪雅縣汛 外委把總一員 帶領馬步戰守兵五十名

一分防犍爲縣汛 外委把總一員 帶領馬步戰

守兵五名

一分防威遠縣汛 外委把總一員 帶領馬步戰

守兵五名

一分防榮縣汛 外委千總一員 帶領馬步戰守

兵五名

一分防彭山縣汛 外委千總一員 帶領馬步戰

守兵五名

一分防丹稜縣汛 外委把總一員 帶領馬步戰

守兵五名

一分防青神縣汛 外委把總一員 帶領馬步戰守兵五名

一分防太平汛 外委把總一員 帶領馬步戰守兵二十名

以上除化林德靖寧安三營裁改外其阜和黎雅峩邊等營俱屬泰寧協管轄

成都城守額設叅將一員屬三營

左營守備一員 千總二員 把總三員

右營守備一員 千總二員 把總三員

額設馬兵二百四十名 步戰兵三百六十六名

守兵七百九十四名

馬步戰守兵共一千四百名馬二百四十四匹

雍正七年爲敬陳管見事案內因經制千把總不敷防汛設外委千把總一十二員駐防各州縣以資彈壓

一駐劄成都府城 叅將一員 守備一員 千總

三員

馬步戰守兵七百十七名

一分防簡州汛 外委把總一員 帶領馬步戰守兵四十四名

一分防資陽縣汛 外委把總一員 帶領馬步戰守兵四十三名

一分防直隸資州汛 外委把總一員 帶領馬步戰守兵三十三名

一分防內江縣汛 把總一員 帶領馬步戰守兵三十六名

一分防井研縣汛 提標撥外委把總一員 帶領

馬步戰守兵十二名

一分防仁壽縣汛 提標撥外委把總一員 帶領

馬步戰守兵十六名

一分防新都縣汛 把總一員 帶領馬步戰守兵

三十名

一分防漢州汛 外委千總一員 帶領馬步戰守

兵二十名

一分防德陽縣汛 把總一員 帶領馬步戰守兵

三十一名

一分防羅江縣汛 外委千總一員 帶領馬步戰
守兵二十一名

一分防金堂縣汛 外委把總一員 帶領馬步戰
守兵十二名

一分防彭縣汛 提標撥外委把總一員 帶領馬
步戰守兵十二名

一分防新繁縣汛 提標撥外委把總一員 帶領
馬步戰守兵十二名

一分防雙流縣汛 外委把總一員 帶領馬步戰

守兵二十五名

一分防新津縣汛 外委千總一員 帶領馬步戰
守兵三十名

一分防直隸邛州汛 守備一員 外委千總一員
帶領馬步戰守兵一百十三名

一分防溫江縣汛 提標撥外委把總一員 帶領
馬步戰守兵十二名

一分防崇慶州汛 千總一員 帶領馬步戰守兵
二十二名

一分防大邑縣汛 把總一員 帶領馬步戰守兵
二十名

一分防邛縣汛 外委把總一員 帶領馬步戰守
兵二十三名

一分防崇寧縣汛 提標撥外委把總一員 帶領
馬步戰守兵十四名

一分防灌縣汛 把總一員 帶領馬步戰守兵三
十三名

一分防綿竹縣汛 把總一員 帶領馬步戰守兵

三十三名

一分防什邡縣汛 外委把總一員 帶領馬步戰
守兵十二名

一分防安縣汛 外委千總一員 帶領馬步戰守
兵十二名

潼綿營額設都司一員 千總一員 把總二員

額設馬兵六十名 步戰兵五十六名 守兵一
百八十四名

馬步戰守兵共三百名馬六十四匹

一駐劄潼州府城 都司一員 把總一員

馬步戰守兵一百三十一名

一分防葫蘆溪汛 外委千總一員 帶領馬步戰守兵十名

一分防豐谷井汛 外委把總一員 帶領馬步戰守兵六名

一分防直隸綿州汛 千總一員 帶領馬步戰守兵七十八名

一分防魏城汛 把總一員 帶領馬步戰守兵六

十名

一分防中江縣汛 外委把總一員 帶領馬步戰守兵十二名

題全川經制官兵疏

總督四川軍務兼理糧餉 太子少保兵部尚書 都察院右副都御史加二級李國英

題爲全川之士宇既定綢繆之計畫宜周再酌經制 請

賜設立以固封疆以垂永久事竊 臣 庸碌凡材謬荷專督

蜀省之任受

命以來朝夕冰兢凡有關於飭武籌邊之計者職守所在講求不遺餘力惟是川疆遠在天末番猥羌苗三面徧處備禦稍疎卽有窺關之警而且幅幘廣闊河山巖險往往不逞之徒憑倚嘯聚致煩士馬戡定經年累歲然後削平稽之往制置戍設防較他省爲倍忒蓋形勢使然耳明末盜起獻逆乘亂竊據殺戮之慘古今未有幸賴

大兵弔伐元惡伏誅而流毒餘氛漸染成習於是姚黃等賊之盜弄有本地官頭之肆虐再經滇寇劉文秀盤踞西南煽誘下東諸逆抗我顏行而數千餘里封疆莫非梟獍縱橫之所矣順治十五年仰仗

天威首恢重遵聲教所被上下川南及川西建昌等處次第敕寧於是臣奉

命駐鎮重慶撫順勦逆下游底定而劉李郝袁等寇尙負固梗阻於秦楚蜀三省之交臣志憤逋誅沐浴請討滿漢軍兵會合巨憝一一誅鋤屈指蜀亂以及

蜀平者二十餘年於今矣我

國家混一海宇

天戈所指立奏廓清獨此一隅之境土百戰艱難然後全歸版籍豈非形勢險阻伏莽易生之故耶今提封內外氛祲俱消而臣實有鯁鯁過計者蓋地方雖經平定然向爲逆賊久踞之區又東南一帶地雜土苗深山密箐之中多有漏網賊徒潛藏隱伏莫可稽察日久黨聚竊發難防如數年之間郝承裔復叛於雅黎朱奉鎰等作亂於敘馬白應龍倡變

於柴厰吳天民發難於江安皆掠地劫城戕官奪印雖旋即殄除而殘黎又經蹂躪元氣不無傷損揆厥所由皆以防禦之將兵未設汛守之責任不專即使懲前毖後調撥駐防終是補救一時不足行之經久然則未雨徹桑之算未垂畫一之規其尚可視爲緩圖乎臣查順治九年分固山額正伯墨勒根蝦有酌定經制一疏部議俟全川恢復之日另行酌定等因到案十餘年以來有已經設立者有尙未設立者續臣於十三年撫蜀時將松龍

四川通志 卷之二十二 兵制
威壘等營路各兵酌其衝緩議爲增汰疏請施行
部議錢糧匱乏不便輕議增添應將見在官兵通
融調撥防禦俟蜀中大定再爲酌議奉

旨欽遵在案又康熙元年内該臣准四川提督移覆臣爲
請

旨事咨內議將奉裁撫標兵內以一千名設立靖遠一營
臣具疏上請部議成都省會旣設城守營不便另
設靖遠營行令臣及提臣查照通省緩急逐一詳
議妥確一併具題到日再議等因奉

旨欽遵在案今全川恢復已經大定所當凜遵再爲酌議
詳議妥確之

愈旨酌量緩急因地設防用垂久遠誠此日之急務矣但
布置貴乎審勢而權變在乎因時無論九年至今
閱時已久卽如十六年分臣率師抵渝之初其渝
城地當衝要一疏議於瀘州綦江涪州合州達州
五處各設遊擊一員兵一千名奉

旨允行尙未設立蓋因其時上下游俱未靖也今逆孽消
除內如合達二州應爲酌設其瀘州綦江涪州三

處俱可不煩設立以省糜費大約時勢既有更易
籌措自當變通豈得執一成之見而刻舟以求哉
臣廣詢博諮再與提臣往復詳酌其閒或照舊設
或議新增或昔所減而今增或昔所增而今減總
期於損益至當爲久安長治之圖而已爲此具
題仰乞

睿裁

總督四川軍務兼理糧餉 太子少保兵部尙書
都察院右副都御史加二級李國英

題爲請設建昌經制以垂永久事康熙元年六月初
六日據鎮守建昌總兵王明德咨呈准署建昌道
事張元凱手本會議邊防等因到臣該臣看得建

昌五衛在蜀之西南隅自大渡河而南皆崇山峻
嶺延袤千五百餘里北極於雲南金沙江其閒環
列番猺無邊內邊外之分止恃城堡戍守以資保
障向分爲五大汛地除各衛所軍丁屯戍之外又
設立營伍兵將聯絡星羅而殺掠跳梁猶無虛日
迄於今則軍丁逃故城堡坵墟該固山額正侯墨

勒根蝦題設全省經制部覆有俟全川恢復之日
臣部另行酌定之語遵奉在案今該邊既入版圖
所有原題經制應行照設以垂經久但十年以來
時勢不無更變衝緩又當通融臣未據該鎮之先
業將全川邊防經制與提臣再四籌審其閒斟酌
損益已有公議茲據鎮道會議開列應設要隘並
擬應補職名前來臣覆查九年分題定原額及與
提臣覆酌經制有原題之額鎮道爲之變通者有
鎮道之議臣又爲之變通者總之因時地之緩急

爲設防之輕重期於垂畫一安邊境而已臣謹臚
列爲我

皇上陳之 一建昌原定經制設總兵一員中左右三營

遊擊三員戰兵二千名今已設立不議外 一會

川衛原定經制設協守一員中軍都司一員戰兵

一千名城守遊擊一員中軍守備一員守兵一千

名鎮道議將協守官兵移駐越嶲其遊擊官兵照

議設立該臣看得會川與雲南止隔一江爲五衛

藩垣九年分因滇寇密邇故議協守今滇雲底定

協守官兵可以不設應照設遊擊一員中軍守備一員不用城守名色兵一千名半戰半守仍照川省馬三步七之例查得左路鎮裁缺旗鼓守備見奉委署會川遊擊事張國威武畧超羣深明行陣堪以補授會川遊擊其中軍守備應以建昌鎮隨征守備馬希補授同駐會川一越嶲衛原未定有經制鎮道慮該衛孤懸議將會川協守改設該衛該臣看得越嶲爲進建門戶與建城遠隔相嶺聲援難通且番獯偪處誠宜設防但寧越設有官

兵與該衛足相犄角今議增設守備一員守兵五百名查得該鎮左營左哨千總楊正勞著俸深堪以補授前缺駐防越嶲一寧越原定經制守備一員守兵五百名鎮道議照舊設立該臣看得寧越守備兼轄寧番越嶲二衛北控瀘河最稱衝要應照原題設立但守備舊駐鎮西所今應如鎮道之議移駐河南站查得該鎮右營中軍守備駱光遠捍禦勤勞堪以補授前缺駐防河南站所遺右營中軍守備員缺應以該鎮右營千總王希舜頂

補一冕山所原未題設經制鎮道以其地當極衝但未入經制不便請設議以建昌城守官兵改駐該邊該臣看得建昌既有鎮臣駐鎮其原定城守遊擊一員中軍守備一員守兵一千名可以不設冕山居建越寧之中爲涼山逆猱出沒要路應增設遊擊一員中軍守備一員兵一千名馬三步七半戰半守查得投誠副將奉委署行都司事寇坤才幹通敏久戍巖疆且自備親丁甲馬防禦宜勞堪以補授冕山遊擊其中軍守備應以該鎮隨

征都司孫炳補授同駐冕山 一會鹽原定經制設守備一員守兵五百名鎮道議照舊設立該臣看得河西守備兼轄會川鹽井二衛地方應如議照設查奉委道標中軍守備今奉裁缺林大受拮据著勞堪以補授前缺駐防河西 一化林坪原未定有經制鎮道將化林列於衛所之內議設立官兵該臣看得化林坪係打箭爐通商行茶大道番部叢雜應增設守備一員守兵五百名查得建昌鎮標中營千總楊鵬翎征勦有功堪以補授前

缺駐劄化林坪以上酌地因時裒多益寡其應設兵丁四千名與原定四千之經制符合而擬授各官皆久歷戎行熟習邊務人地相宜足堪任使至各營應設千把總俟奉

旨之日容臣選委報部各隘兵丁亦俟

俞允後除各官原帶兵丁之外有不足額行令鎮臣於該

邊招募者也除全川經制臣另疏題請各官履歷

功次備造清冊送部查覈外臣謹會同撫臣佟鳳

彩合詞具

題伏乞

睿鑒勅部議覆如果臣言不謬即將張國威等照缺補授

施行

川陝總督臣岳鍾琪為

奏請川省應行事宜仰祈

睿鑒事疏稱打箭爐之外中渡河口係通西藏要隘不

可無兵彈壓應將化林協守備移駐中渡建立土

城撥把總一員兵二百名隨往分防其建城與官

兵房屋容臣咨商撫提兩臣酌量建造等語應如

所請准其將化林協守備帶領把總一員兵二百名移駐中渡其建立土城官兵房屋之處該督會商四川撫提酌量捐造又奏稱保縣在大河之南爲土番出入隘口防汛不可不增請撥威茂營千總一員帶兵一百名移駐保縣以資防禦其應支月糧卽以威州所征夷糧就近支給等語應如所請將威茂營千總一員帶兵一百名移駐保縣又奏稱建昌所屬越嶲衛地方甚爲遼闊每多蠻獍出沒搶奪今僅設守備一員兵二百五十名實難

分撥防禦請改設遊擊一員現在守備卽爲中軍再添千總一員把總一員兵二百五十名分防彈壓等語應如所請准其改設雍正元年三月初三日具

題奉

旨依議

川陝總督 臣 岳鍾琪

奏稱建昌爲邊疆重地番蠻初附應擇緊要之處分汛防範加兵彈壓如越嶲所屬柏香坪爲普雄番

蠻出沒之所雖增遊擊千總馬步官兵止可防範
白沙溝並相嶺一帶而於普雄鞭長莫及請於柏
香坪建修土城蓋造官署兵房設守備千把總各
一員馬一步九兵三百名駐防 一冕山貼近乾
縣爲諸夷門戶番蠻出沒難以稽查原額兵五百
五十名分撥塘汛不足分佈請於乾縣修造土城
蓋造官署兵房增設遊擊一員中軍守備一員千
總二員把總四員馬一步九兵五百名駐防 一
寧番夷多漢少僅有把總一員兵五十名未能防

守請將冕山營中軍守備移駐寧番衛城增添馬
一步九兵二百五十名 一寧越地方廣遠塘汛
稀疎原額兵二百五十名不足分佈請將寧越守
備改設都司增添千總一員馬一步九兵一百五
十名 一會鹽營僅設守備一員把總一員兵丁
二百五十名不能彈壓請增設遊擊一員千總二
員把總一員馬一步九兵二百五十名駐劄鹽井
衛其原設守備改爲中軍守備帶把總一員馬步
兵一百名移駐河西鹽井一汛夷人雜出必添設

官兵分汛防範腊汝窩獻出黑鹽井煎鹽辦課須
不時巡查 一會川在萬山之中係凉山後路所
屬披砂地方爲夷巢咽喉原設遊擊一員馬步兵
五百名不能兼制請於披砂修建土城蓋造官署
兵房增設遊擊一員中軍守備一員千總二員把
總四員馬一步九兵五百名駐劄防守各營汛添
設兵共一千九百五十名 一建昌東在木托係
凉山夷人必由之徑原設千總一員兵七十名不
足防範請於建昌鎮標抽發中營守備一員帶兵

八十名合原額兵共一百五十名駐劄木托 一
建昌西北有熱水係大小凉山出入要地請於熱
水修建土城蓋造官署兵房於建昌鎮標抽發右
營遊擊一員千總一員帶兵二百五十名駐劄熱
水等因奉

旨依議

川陝總督 臣 岳鍾琪疏稱潘州與河州松潘爲犄
角潘州無兵則西寧與松潘聲息相隔請於潘州
設副將一員守備二員千總四員把總八員兵丁

四川通志 卷之二十二 兵制
一千二百名兩河口設守備一員把總一員兵丁
三百名令潘州副將兼轄松潘鎮總兵統轄每年
糧餉照松潘之例折給雍正三年十月二十七日
奉

旨依議

川陝總督 臣 岳鍾琪於雍正三年六月二十八日
奏稱越嶲一營地方遼闊蠻多漢少且路當孔道爲
滇蜀來往咽喉誠屬緊要曾經題請改設遊擊現
在守備卽爲中軍再添千把總各一員以資彈壓

查越嶲營除原設守備一員把總一員馬步兵丁
二百五十名外雍正四年十月初四日題新增遊
擊一員千把總二員馬兵三十五名步兵三十名
守兵一百八十五名營馬三十五匹奉

旨依議

巡撫四川等處地方提督軍務都察院右僉都御
史 臣 憲德謹

題爲請

旨事准部咨據提督黃廷桂

四川通志 卷之二十一
奏稱新設柏香靖遠永定等處修築城垣兵舍一事
先經行據寧遠府知府杜士秀約估銀六萬九千
餘兩通報經督臣岳鍾琪駁飭會委文武再行逐
處確估定議現在另委文武挨次會勘確估茲於
雍正七年閏七月十八日據建昌鎮臣趙儒咨稱
新設之柏香靖遠等營均處夷藪添設官兵原以
資其彈壓難以飭令分撥各爲防範因未築城蓋
房各兵露處值今歲雨水連綿委難久居衆兵懇
切具呈各營將備轉請咨商迅卽委員備辦工料

早建城房俾得各安寧宇等情但營汛遼闊營造
之頭緒繁多每至一處動需匝月方能估報必至
蹉跎時日轉盼入冬土脈不堅難以築城且所需
磚瓦木植釘板灰石蠻方無現成物料可以購買
必須預備物料况營制已定汛防已設則建造城
垣修蓋兵房尤不可緩等因咨商到臣等公同
商酌建昌鎮趙儒所議似屬允協仰懇

天恩勅部先撥庫銀二三萬兩檄發該管地方各官先
期備辦物料俟所委文武確估詳報定議具題之

後即可動功修築其不敷銀兩一併題請補撥統
於工竣之時造冊核銷公帑原無糜費而城房即
可及時建造似於防守邊荒重地不無裨益等因
摺奏雍正七年八月二十五日奉

旨着照該撫等所請行該部知道

候補京堂臣趙殿最謹

奏爲遵

旨議奏事雍正七年七月二十九日准署川陝總督臣

查郎阿奏稱據川陝總督臣岳鍾琪

奏稱噶達地方議設官兵之外若再有道路與別處
相通亦須安兵防汛臣等遠在西安未能詳細周
知仰懇

勅諭現在辦理廟工之趙殿最等再加查勘酌議具

奏等語查趙殿最等雖在噶達辦理廟工恐於彼地
形勢亦未能周知熟悉現今任國榮駐防噶達應
令趙殿最等會同任國榮詳察形勢細看各處要
口將應添設防汛之處妥議具奏等因到臣等

伏查防汛地方關係緊要廟工將次告竣達賴喇

嘛移駐噶達所當設汛之處更不容緩臣任國榮

因現在裡塘防護未敢擅離專差隨營松潘守備

高含畧赴噶查踩隨據該守備將各處隘口踏明

繪圖前來與臣等訪聞無異但添設汛防必須佈

置周詳方能垂久若非親身閱歷恐未妥協緣臣

等在噶在裡相隔尚遙各有崙責弗克會齊往勘

臣等隨議臣諾穆圖帶領守備高含畧自噶達起

程前去逐一細加詳察勘明回噶今臣等查得噶

達西北一百七十里地名靈雀寺乃西藏往來之

大路北通青海草地西連甘孜霍耳得爾格一帶

土司東與革什綽交金川司雜谷等處接壤南則

直達四川雲南交界誠為噶達後身要隘臣等細

加商酌應於靈雀寺添設守備一員把總一員兵

丁二百名以資防範總歸該協副將統轄此改設

官兵請交四川提臣照例題補名募其官舍兵房

亦照原奏交四川撫臣速為辦理自噶達至靈雀

寺一路則有沙普隆一口亦係通青海之路並納

布林山甲帕口過靈雀寺三十餘里則有蘇魯甲

新楚喀二渡即在吹音堡之東雖詢據土人僉云
甲新楚喀一帶河口遇水淺時在在皮船可渡各
處行人不絕等語而來往之人槩不能飛越靈雀
寺總口且此數處俱附近靈雀寺應令該守備卽
於駐劄靈雀寺兵內酌派安設塘汛至於噶達地
方南有押納溝下八義二口東有榮果拉西有燒
巫石二口北有榮若撮牙並阿玉拉堡三口俱係
附近噶達應令該副將卽於駐劄噶達兵內酌派
安設塘汛如此庶與上中下三渡及吹音堡聲援

聯絡而於噶達地方尤爲嚴密矣謹將形勢四至
繪圖敬呈

御覽外臣等合詞謹

奏伏乞

皇上睿鑒勅部議覆施行

兵部議覆四川提督黃廷桂疏稱雷波土司楊明
義不思奉公報効竟敢縱逞部落滋擾邊方仰賴
宸謨指示勦撫兼施苗疆旣皆底定自應改設流官漸
施教化俾番民咸知禮義各安其居前經部議令

臣復與署督臣岳鍾琪撫臣憲德會同確議今臣
會商確議俱與臣意見相同應請仍照前議改設
流官以重職守等因具題前來查先據該提督黃
廷桂奏稱雷波黃螂內附伊始庶務尙簡暫可不
設州縣應請酌設衛守備一員駐劄雷波所千總
一員駐劄黃螂專管招民給墾聽斷詞訟收納科
則給放糧餉化導夷獮等事其千總一員應行案
件俱聽該衛守備查核管理奉

旨依議欽遵在案應毋庸再議又疏稱雷波黃螂歸附

伊始其增設遊守等官必須熟悉地利夷情幹練
之員方克資其駕馭查敘馬營遊擊鄂世威練達
營務供職勤勉現今駐防雷波熟悉情形以之調
補雷波遊擊其中軍守備員缺揀選得川北鎮標
中營千總王治泰久歷戎行諳練營伍歷著勞績
洵稱幹練之員請補雷波中軍守備又黃螂守備
員缺查重慶鎮標左營守備毛龍甲歷練老成辦
事勤敏現派駐劄黃螂苗民畏悅以之調補黃螂
守備均於苗疆有益再查黃螂爲雷波必由之徑

其新設守備應令雷波遊擊兼轄仍歸永寧協統
轄其新設二營仰懇

欽賜佳名鑄給遊擊守備關防等語查四川省隨征大
小官弁並陸續地方所出員缺雖近經大學士會
同臣部遵

旨議令遞行委署但雷波黃螂俱係新設員缺必得熟
悉夷情駕馭得宜之員庶於苗疆有益今該提督
黃廷桂既稱遊擊鄂世威練達營務供職勤勉熟
識雷波情形千總王治泰久歷戎行諳練營伍歷

著勞績守備毛龍甲歷練老成辦事勤敏現駐黃
螂苗民畏悅等語應如所請遊擊鄂世威准其調
補雷波遊擊千總王治泰補授雷波中軍守備守
備毛龍甲調補黃螂守備歸入雷波遊擊兼轄永
寧副將統轄各給與劄付令其赴任其雷波黃螂
二營臣部已送內閣撰擬佳名進

呈恭候

欽定至遊守各員關防移咨禮部鑄給又疏稱雷波黃
螂請添兵丁一千二百名現照數招募壯健遵照

原議分汛防守但此項新招兵丁一並遣赴雷波黃螂更換各營畱駐兵丁回營則舊兵一時盡撤新兵俱皆未諳似應陸續募補卽陸續遣發將畱駐各營兵丁節次換回俾新兵得以隨衆學習營伍其應支糧餉以入伍之日爲始分別馬一戰四守五起支餉乾照依部議於春秋二季折支關給等語查招募新兵必須隨衆學習方能諳練營伍熟悉苗情亦應如所請令其陸續募補卽陸續遣發將畱駐各營兵丁節次換回其糧餉准於入伍

之日遵照原議於春秋二季折支關給造冊報部又疏稱馬邊營原額兵二百四十名增設馬步兵一百六十名共足四百名之數應俟招募足額卽由該營抽兵八十七名並西寧舊設之兵十三名共足兵一百名添防西寧其原駐石角之把總旣經移駐西寧查石角現駐兵丁二十七名應於馬邊營撥外委一員統領防守再於馬邊營撥兵五十名派該營外委一員帶領在於石角西寧隘適中處所沙灣地方駐劄其應支糧餉統於馬邊營

按季請領分散至西寧沙灣二處及寧番添派之千總兵丁並建昌鎮屬西溪汛地添派之守備兵丁所需官署兵房應請一並建造等語查馬邊營西寧隘添設兵丁先經戶部議准在案其作何招募及一應支給糧餉並西寧隘石角二處應於何處駐劄及添撥弁兵行令該提督會同巡撫憲德確議具奏今該提督請於西寧隘石角沙灣等處宜抽調兵丁派撥外委分汛防守其各營糧餉統於馬邊營支領亦應如所請造具清冊報部查核

可也

川陝總督

臣

岳鍾琪爲遵

旨議覆事准提督四川黃廷桂咨稱潘州一境東北遙通洮州河州其間橫繞雜處者有竹利鐵布鹿哨甘家等番西通歸德西寧中有合壩上下作革播下等番及插漢丹津等部落住牧西南有阿壩郎墮郭羅克毛兒革等種悍夷是潘州實爲邊塞重地若潘州無兵不但西寧松潘由草地一路聲息相隔卽各處番夷或久經內附或勦撫方新悉隸

於漳臘一營管轄誠恐鞭長莫制且松潘譬之內
戶黃勝關譬之堂與潘州譬之門庭而專事堂與
非計之得其潘州安設官兵之處實爲一方屏障
似應仍照原議惟兩河口去黃勝關僅二十里而
距潘州三百八十餘里中橫羊膊嶺路屬迢遙前
議於兩河口安設官兵似與潘州聲息尙覺隔越
查包坐之達建寺地方距潘州一百八十餘里距
黃勝關二百二十里爲潘州黃勝關適中之地且
達建寺遶東北由挖藥而至羊崗僅一百二十餘

里似應將議設兩河口官兵改設達建寺聲息乃
爲聯絡並開闢達建至挖藥羊崗路道安設塘汛
以資控馭而兩河口雖逼近黃勝關但係四通要
隘應卽於黃勝關設駐劄之兵酌量分防布置更
屬周密查文縣等處去潘州計程祇七八日卽至
將來潘州營制設立之後商民趨利奔集其米糧
食物自有擔負販運而來者再爲相地屯種其及
時設法積貯自可接濟兵食至黃勝關係漳臘潘
州之咽喉查黃勝關原額設有漳臘營之汛兵五

十名未免單弱須增兵以資聲援今潘州達建寺
既已安設則漳臘舊營之包坐五寨並新撫之阿
細巴細上下作革合壩屋藏甲凹播下轄漫鐵布
等處地方自應統歸潘州就近管轄再將漳臘營
分防流沙東勝雄溪紅花羊裕塘舍壇邪谷粟高
皂等處塘汛兵丁盡行抽撤添撥一百五十名歸
黃勝關合之黃勝關原額設兵丁五十名共足兵
丁二百名將漳臘營守備移駐黃勝關內可爲松
潘之屏蔽外可爲達建潘州等營之犄角其龍安

營雖屬內地但查該營地方遼闊且東北接壤陽
平階文實爲秦蜀之扼塞必得叅將彈壓似不宜
議請移駐漳臘再查南坪地方險要番人出沒不
常似應增兵稽查防範而小河地方雖汛防二百
餘里界在內地無庸重兵應如所請將小河營遊
擊帶兵一百五十名移駐南坪合之南坪現設兵
三百名共四百五十名以資彈壓者也再查漳臘
營與松潘鎮中右兩營向日所轄營汛參錯不便
統轄應分別就近管束以專責成如漳臘營分防

之流沙關汛距松潘鎮中營較近應歸併松潘鎮中營管轄而流沙關汛舊管之牟泥拈佑墊霧七布峩眉喜及新撫之毛兒革蛇灣等處一併歸之松潘鎮中營管轄似屬利便其漳臘營舊管雄溪紅花東勝谷粟高聖羊裕塘舍壇邪等堡以及元壩泥巴等寨去漳臘稍遠遠則稽查地方約束蠻番恐有不周莫如就近歸於汛少之松潘鎮右營管轄易於爲力其漳臘舊管之寒盼商巴祈命並新附之出個阿壩郎墮郭羅克仍隸漳臘管轄以

資控制如此則彈壓各得其便軍勢倍覺聯絡於邊方似有裨益等因移咨前來臣查龍安一營雖係內地但地方遼闊爲秦蜀四通扼要之區必須叅將一員方克彈壓不便議調移駐漳臘惟查南坪一營實處險要番人出沒不常似應增兵防範查小河營現在內地守備一員足資汛守應如鎮臣張元佐所議將小河營遊擊移駐南坪一轉移閒於行伍俱屬有益臣等詳加酌核均屬妥協前因提臣黃廷桂正在領兵勦撫建昌等處而臣上

年亦因辦理西路軍務是以暫緩會奏今仰荷

天威各番悉已歸誠就撫所在汛防自宜因時損益斟

酌變通以期鞏固邊方於永遠但臣知識短淺應

否如提臣黃廷桂所議增設駐防歸併管轄之處

非臣所敢擅便等語臣等看得督臣岳鍾琪既稱

與提臣黃廷桂所議均屬妥協應如所請行令該

督撫提臣遵照施行並知照兵部可也奉

旨依議

兵部議覆為敬陳營汛情形請

旨量加裁改以益地方以節糜費事雍正十二年四月

初五日准總督四川臣黃廷桂咨稱設立官兵彈

壓地方原宜相度地勢情形隨時佈置今建昌鎮

轄之普雄等處各種生番該督既稱皆歸誠向化

則從前所設營制自宜另為酌定使兵無閑曠餉

不糜費方於邊疆有益應如該督所請將永定營

裁去守備一員千總一員把總一員兵二百名止

畱千把總二員兵三百名將遊擊改為都司帶領

駐劄冕山營裁去守備一員千總一員把總二員

兵三百名止畱千把總三員兵三百名將遊擊改爲都司仍駐冕寧令瀘寧營叅將兼轄其冕山原管龍潭溝登相嶺一帶地方歸於附近之靖遠營管轄柏香營都司一員千總一員把總一員兵三百名盡行裁汰原管夷民歸併越嵩營管轄至所裁都司守備千把俱畱本省遇缺補用馬步兵除撥歸越嵩黎雅二營外所餘兵丁令其陸續裁汰又

奏稱越嵩路當孔道番寨稠密又歸併柏香一帶地方汛防遼濶原設遊擊一員守備一員千總一員把總二員馬一步九兵五百名尚不足以壯聲勢而敷分布應請將議裁併兵內抽撥千總一員把總二員馬一步九兵一百名歸隸越嵩令越嵩營

守備帶領把總一員兵一百二十名分隸柏香犄角防守併請將遊擊員缺改爲叅將照雲南之例以叅將照俸陞轉仍食遊擊俸薪親丁其寧越營都司附近越嵩應歸改設叅將兼轄至黎雅一營爲建昌西爐兩路總匯差使絡繹且又添防天全

始陽礮門等處邊口既屬煩多該營額設兵四百五十六名實所不敷應請於議裁兵內抽撥馬一步九兵四十四名添歸黎雅共足五百名以資應用等語亦應如該督所請越巂於額設官兵外卽將議裁千把兵內抽撥千總一員把總二員馬一步九兵一百名歸隸越巂管轄令越巂營守備帶把總一員兵一百二十名分防柏香營至越巂營遊擊改爲叅將照雲南之例以叅將陞轉仍食遊擊俸薪親丁將寧越營都司歸於該叅將兼轄其

黎雅營額設兵丁四百五十六名該督既稱實所不敷應准其於議裁兵內抽撥馬一步九兵四十四名共足五百名以資應用可也等因奉

旨依議

兵部議覆爲請撤泰寧協營等事雍正十三年五月二十一日准總督四川臣黃廷桂咨稱調撥營制添減兵丁必須相度形勢因地制宜與邊疆有益今該督既請將四川泰寧寧安德靖三營兵丁一千二百名副將一員都司三員千總四員把

總三員一併減撤令泰寧副將率領減撤兵丁七
百名合之化林兵丁三百名共兵一千名駐劄化
林分爲左右二營酌設都司二員千總二員把總
四員以昭體制卽派協標右營都司帶領把總一
員兵二百名分防瀘定橋又酌撥外委千總一員
帶兵五十名駐防泥頭除化林原有都司一員千
總一員把總二員外其餘議增都司千把等弁卽
以減撤之都司一員千總一員把總二員撥補毋
庸添設至阜和營止有都司一員把總一員兵二

百名操防不足請於減撤弁兵內量撥千總一員
兵一百名增隸該營以資分佈其餘減撤之都司
一員千總二員把總一員兵五百名應請裁汰再
黎雅峩邊二營仍歸化林副將管轄至於惠遠廟
現有喇嘛畱駐於阜和營就近輪派把總或外委
一員帶兵三十兵駐防泰寧按季更換所有撥設
弁兵應需衙署營房請照例建造其議裁之都司
千把等弁仍畱川省題補兵五百名陸續開除等
語均應如該督所請准其將泰寧寧安德靖三營

四川通志 卷之二十二
官兵俱行減撤卽令泰寧副將帶兵七百名合化
林原有之兵丁三百名共一千名分爲左右二營
除化林原設都司千把總外卽以泰寧減撤之都
司一員千總一員把總二員撥補令右營都司帶
領把總一員兵二百名分防瀘定橋撥外委千總
一員帶兵五十名駐防泥頭黎雅峩邊二營仍歸
化林管轄至阜和營除原設官弁兵丁外亦准於
泰寧減撤弁兵內撥千總一員兵一百名增隸該
營惠遠廟既有喇嘛畱駐亦准其於阜和營內輪

派把總或外委一員帶兵三十名駐防泰寧按季
更換所有泰寧等營請撤之都司二員千總二員
把總一員兵五百名准其裁汰官弁畱於川省題
補兵丁令其陸續裁汰其撥設弁兵應需衙署營
房准其建造仍令該督確估工料價值數目並動
用何項銀兩造冊報明戶部工部核銷可也等因
奉

旨依議

兵部議覆爲敬陳西陽安設事宜以彰

聖化事雍正十三年八月二十日准總督四川

臣黃廷

桂

奏稱營制兵少不足彈壓而兵多徒滋糜費謹按地方情形分別區畫擬設遊擊一員中軍守備一員千總二員把總四員馬一步九兵八百名分地控制請於三合場駐劄遊擊一員千總一員把總三員馬步兵五百名於西陽治駐劄守備一員千總一員把總一員馬步兵三百名其邑梅司係極南貼近苗疆要地去貴州雙鳳松桃等營甚近晚森

里之洪安地接湖南重山衛等處新撫苗疆小江里之濫泥灣地居石堤下游直達湖南辰州常德等處大江里之大溪口與荆南之各土司毗連以及龔灘龍潭石堤均爲要隘請於遊擊營內分撥把總二員各帶兵四十名駐防邑梅洪安又撥外委二員各帶兵二十名駐防石堤濫泥灣於守備營內分撥千總一員帶兵五十名與縣丞同駐龍潭又撥外委二員各帶兵十五名一與巡檢同駐龔灘一分駐大溪口如此則遊擊控制東南守備

彈壓西北分佈汛戍犄角防守實屬有益以上營汛均歸遊擊兼管仍隸重慶鎮統轄其各處小汛塘遞俟設營之後另行隨宜佈置查重慶鎮屬黔彭一營額設遊擊一員守備一員千總二員把總四員兵五百名原爲控扼西陽等五土司而設今旣改歸皆成內地該營止有兩縣一汛官兵無庸過多應請抽遊擊一員守備一員千總一員把總一二員兵二百名再查重慶鎮標兵二千兵分隸三營其數參差不齊應抽兵二百名餘兵一千八百

名均勻配搭始各相稱以上共抽遊擊守備二員千把總三員兵四百名移駐新營尚少千總一員把總二員兵四百名無可抽撥請召募增設以敷其數所存黔彭營千總一員把總二員兵三百名應請另設都司一員管轄分防聯絡等語應如該督所請准其設立遊擊一員中軍守備一員千總二員把總四員馬一步九兵八百名分地控制於三合場駐劄遊擊一員千總一員把總三員馬步兵五百名於西陽司治駐劄守備一員千總一員

把總一員馬步兵三百名再於遊擊營內分撥把
總二員各帶兵四十名駐防邑梅洪安又撥外委
二員各帶兵二十名駐防石堤濫泥灣於守備營
內分撥千總一員帶兵五十名與縣丞同駐龍潭
又撥外委二員各帶兵十五名一與巡檢同駐龔
灘一分駐大溪口以上營汛俱歸遊擊兼管仍隸
重慶鎮統轄其各處小汛塘遞俟設營之後該督
隨宜佈置仍將分設之處一體造冊報部其重慶
鎮屬黔彭營額設遊擊一員守備一員千總二員

把總四員兵五百名內准其抽遊擊一員守備一
員千總一員把總二員兵二百名又於重慶鎮標
三營二千內抽兵二百名共四百名移駐新營尚
少千總一員把總二員兵四百名亦准其召募增
設以敷其數所存黔彭營千總一員把總二員兵
三百名准其另設都司一員管轄分防聯絡等因
奉

旨依議

諸葛武侯入陣圖攷

附

八陣圖諸葛孔明作在成都府城北七十里新都
彌牟鎮有廟存焉趙清獻公集記曰武侯於八陣
鄉以土爲隆基凡一百三十所蓋左右六十四前
二每基下五六寸皆江石也耆老相傳其石蓋六
數武侯於此教戰陣出入之法舊記謂四面開四
門起六十四魁應六十四卦八八爲行周回四百
七十二步所謂六十四魁但得其半耳王恭簡公
續記曰眉州賢良王當嘗論八陣法刻石廟下論
云八陣之法四奇四正基部壁立其體皆方奇正

相生風旋日暈其用皆圓蓋方利於止方其體則
勢固密故其徐如林不動如山難知如陰此所以
爲不可犯也圓利於動圓其用則其勢健決故其
動如雷其疾如風侵掠如火此所以爲不可禦也
其體雖方而圓在其中其用雖圓而方在其內此
所以爲不可測也奇正相循出入往來如環之無
端體用迭作合散變化如神之不窮圓之爲用如
身使臂如臂使指雖五旅之師師如一身如木百
圍根株相連各有體統枝葉相屬各有條理雖五

師之軍軍如一本故其法曰紛紛紜紜亂而不
可亂渾渾沌沌形圓而不可敗圓之爲利其來久
矣圓之爲用務以分其勢而散其兵疑其心而亂
其目勢分則陣薄兵散則氣怯心疑則易却目亂
則易眩圓之爲用以將雜卒卒恃其將以強雜弱
弱恃其強將卒相恃理必俱勝強弱相恃勢不偏
敗突出爭先鷹揚兔脫不可拒也併力盡怒齊勇
如一不可遏也其氣益銳則其節益險如驚湍巨
浪不可涉也如層崖峻谷不可越也使敵得之如

蟲之著網魚之在笱虎之陷穽是以其將可却其
兵可殺其重不可脫八陣之法也營室之法四奇
四正屯亦如之戰陣之法左旋右轉教亦如之教
之有法必欲其誠蓋誠則久久則天天則神故前
後相屬首尾相接如得於天如出於地莫知其所
以然而然者入於神也教之爲法築土爲壇其形
皆圓其數皆八壇之高下與人相稱壇之闊狹與
陣相稱奇旋向左正旋向右旋向左者攻在外也
旋向右者攻在內也或旋向左或旋向右便其用

也或攻在內或攻在外紊其例也教之爲法在家則依比閭族黨之儀在軍則依伍兩卒旅之法使之更相親視有無相通患難相救疾病相扶自比以上皆文官主之教之忠厚教之正信教之孝友睦婣教之禮義廉恥自伍以上皆武官主之教之出入變化教之射御擊刺教之先登啓行教之破陣劫將在家書其美惡而辨其賢愚在軍記其勇怯而別其利鈍歲終則以功行差次而進退之使之剛而不暴勇而知義入則可與同其安出則可

與其其危故可生可死而不可使犯非義者八陣之法也常山蛇陣安則靜靜則直觸之則動動則圓孫武常山蛇陣杜牧以爲八陣勢取桓溫說也傳謂推演兵法作八陣圖演孫武法也八陣取諸八卦欲包併八荒也旌旄旗幟各從其方之色欲別其屬也四維從其三方之色惟西南獨從土色依其相生之數則土實居中也八卦變而爲六十四象四陣散而爲六十四隊今成都東南隅號曰棋盤市此舊八陣營也故知其陣則方城北彌

牟鎮地方名八陣見存土堆六十四此教閱之所也故知其在陣則圓八陣通神明之德類萬物之情非有此道不能用也或謂取遁之八卦非也此術也非孔明之事也夔州亦有八陣石壘在江濤中而彌牟八陣在平地其法一也疑孔明遠慮得杜元凱襄陽刻碑之意云今按八陣謂天地風雲龍虎鳥蛇八者是也天取其覆地取其載風雲取其變化龍虎取其動靜鳥蛇取其相應風生於地而虎從之雲騰於天而龍從之鳥爲動物必翔於

天蛇爲蟄物必蟠於地蓋有同位相生之義焉八陣論謂彌牟見存土堆六十四考之舊圖經謂八陣圖凡三在夔州者六十有四方陣法也在彌牟者一百二十有八當頭陣法也在棋盤市者二百五十有六下營法也棋盤市今無其迹彌牟鎮土堆尚存凡一百二十七與清獻集記又不同蓋恐摧崩之故然其布位參差不齊不可強曉茲繪於左以俟知者

八陣圖蹟

蜀志言孔明推演兵法作八陣圖咸得其要今考
侯八陣圖凡四其在廣都之八陣鄉者一百二十
有八當頭陣法也在魚腹永安宮南江灘水上者
六十有四方陣法也在沔陽之高平舊壘者二百
五十有六下營法也在益州城東南隅棋盤市者
亦云二百五十有六今無其蹟

八陣本始

風后握奇經曰八陣四爲正四爲奇餘奇爲握奇
或總稱之先出遊軍定兩端天有衡地有軸天地

前後有衝風附於天雲附於地衡有重列各四隊
前後之衝各二隊風居四維故以圓軸單列各三
隊雲居四角故以方天居兩端地居中間總爲八
陣陣訖遊軍從後躡敵或驚其左或驚其右聽音
望麾以出四奇天地之前衝爲虎翼風爲蛇蟠圍
繞之義也虎居於中張翼以進蛇居兩端向敵而
蟠以應之天地之後衝爲飛龍雲爲鳥翔突擊之
義也龍居其中張翼以進鳥掖兩端向敵而翔以
應之虛實二壘皆逐天文氣候向背山川利害隨

時而行以正合以奇勝天地以下八重以列或曰
握機望敵卽引其後以犄角前列不動而前列先
進以次之或合而爲一因離而爲八各隨師之多
少觸類而長

八陣總論

李昭玘曰陣之所以八者自有所祖述蓋其法肇
於黃帝具於成周而變化於諸葛孔明非諸葛孔
明之獨能爲是也昔黃帝潛通八卦而建一都之
法默會九天而設三軍之制是以周公則而象之

以九夫爲井四井爲邑四邑爲邱四邱爲甸四甸
爲縣四縣爲都自九夫之井至於四縣之都而得
乎一都之法又以五人爲伍五伍爲兩四兩爲卒
五卒爲旅五旅爲師五師爲軍自五人之伍至於
五師之軍而合乎三軍之制至於孔明則又上探
黃帝之微意下採成周之遺法因而循之與道神
之革而化之與時宜之而陣法備焉故其制爲八
陣自九夫爲井而演之縱橫皆八而有八八六十
四陣者所以通乎八卦也立爲三軍自五人爲伍

四川通志 卷之二十一
而演之周旋皆九而有九九八十一陣者所以會
乎九天也然則孔明之所祖述者可謂深且遠矣
非與古人之精神心術流通爲一者疇能爾哉雖
然論其深妙固未易以立談判考其大綱則不過
奇正二字而已蓋古之制軍合萬二千五百人而
爲軍其爲伍者一千一百二十五其爲兩者二百
五十五取三焉而爲奇其餘七以爲正四奇四正
而八陣生焉是其分陣之數有奇有正也回旋九
攢以象天四平正列以象地散渙邪直以爲風前

大後銳以爲雲天地風雲四者陣之正也延袤綿
互以爲龍蟠前合後開以爲虎翼彌漫散合以爲
鳥翔回屈包羞以爲蛇蟠龍鳥虎蛇四者陣之奇
也是其布陣之形有奇有正也天子上將居中而
不動疑兵游軍出沒而無常是其用陣之勢有奇
有正也乃若神出鬼沒千變萬化不可致窮則又
所謂奇正之相生如環之無端者

八陣記

八陣漢丞相諸葛亮經畧中原之所作也壘石爲

之其跡在夔州魚浦灘自古相傳六十四陣而已
易卦爲之宗握奇爲之原其孰能推之哉孔明乃
則河圖之圓而分爲四層則洛書之方而分爲九
軍則井田公私之制而分爲中外之營則文王後
天卦位而定四奇四正之名西北乾卦也曰天陣
西南坤卦也曰地陣東南巽卦也曰風陣東北艮
卦也曰雲陣取艮爲霧也東方青龍之獸也曰龍
陣西方白虎之獸也曰虎陣南方朱鳥之獸也曰
鳥陣北方元武之獸也曰蛇陣中爲中軍陣太極

之位也中軍四象爲正四獸爲奇四象四獸各以
六陣相從或四象七陣四獸五陣中軍大將所居
中中四陣爲餘奇大將所握別爲游騎三十四陣
以繫八陣之後陣有八門開闔出入以爲變化南
正手北正足中正身前奇首後奇尾左右奇翼游
騎爪牙首尾伸縮以爲節也兩翼翕張以爲權也
爪牙往來以爲勢也身體手足鶉立黿據以爲主
也氤氳變化爲方爲圓爲曲爲直爲銳其變無窮
不外八陣分合而已後世有以天地衡軸衝分配

者有演爲天覆地載風揚雲垂龍飛虎翼鳥翔蛇
蟠八形者又爲三百六十四變合天度之數者不
足信也

新都縣八陣圖記

新都楊慎著

諸葛武侯八陣圖在蜀者一一在夔州之永安宮
一在新都之彌牟鎮在夔者蓋侯從先主伐吳防
守江路行營布伍之遺制新都爲成都近郊則其
恆所講武之場也武侯之人品事業前哲論之極
詳不復勦同其說獨其八陣有重可嘅者史謂侯

推演兵法作爲八陣咸得其要自令行師更不覆
敗深識兵機者所不能洞了蓋勝之於多算而出
之於萬全非借一於背城而僥倖於深入也惜乎
其方銳意以向中原而溪蠻洞獠左跳右跋以裂
其勢外寇方殷內境自憊使夫八陣之妙不得加
於二曹三馬之梟敵而乃止試於七縱七擒之孟
獲天威神算不騁於中原王者之區宇而僅以服
南中巴棘之偏方事機旣已遲精力又已虧勇賈
其餘師用其分以爲大舉譬之逐盜救火之家挺

刃决水猶恐不及而內有讐賊自相乘機胙篋助
燎則雖有倍人之知力亦自無如之何侯之不幸
勢正類此天之所壞誰能支之祚去炎漢不待隕
星而後知矣嗟乎國之興亡天也而千載之下君
子獨遺恨於蜀漢之事者非以武侯故邪至其故
壘遺墟獨爲之愛惜不已乃其忠義之激人不獨
其法制陣伍之妙也不然則竇憲嘗勒八陣以擊
匈奴晉馬隆用八陣以復涼州是在侯前已有之
而後亦未嘗亡也功既有成而後世猶罕所稱述

况能傳其遺跡至今乎慎嘗放舟過夔門弔永安
之宮尋陣圖之跡維時春初水勢正殺自山上俯
視下百餘丈皆聚細石爲之凡八行六十四絕土
人言夏水盛時沒在深淵水落依然如故在吾新
都者其地象城門四起中列土壘約高三尺耕者
或剗平之經旬餘復突出此乃其精誠之貫天之
所支而不可壞者蓋非獨人愛惜之而已耳慶陽
韓君大之以進士出宰吾邑始至拜侯之荒祠次
觀遺壘重有感焉謂慎曰之罟篆鏤燕然銘石藝

四川通志 卷之二十一
焉爾人不足稱也愛其藝者不泯其跡矧侯之地而可忽諸今陣圖在夔者有和叔獨孤之記少陵東坡之詩四方灼知而此顧泯焉無所表識使往來者不軾樵牧者不禁非缺與祠宇行當新之陣圖所在欲伐石樹道左大書曰諸葛武侯八陣圖碑陰之辭子宜爲之夫崇賢存古以示嚮往循良事也推表山川考記往昔者史氏職也遂書之使刻焉

八陣圖疏

鄭林繪曰臣通攷古今陣法莫有過於軒轅黃帝破蚩尤之陣也黃帝按井田作陣法大軍居中專主旗鼓八節旋繞悉聽指揮若正北受敵則東北西北二兵爲奇兵張左右翼以援之若正南受敵則東南西南二兵爲奇兵張左右翼以援之其正東正西及四隅受敵亦如之所謂常山蛇擊其首則尾應擊其尾則首應擊其中則首尾相應也古之名將知此法者惟太公望孫武子韓信諸葛孔明李靖諸人而已吳起以下莫能知也一大陣之

中固有八陣而小陣之中亦各有八陣大陣則法
伏羲八卦小陣則法文王六十四卦所謂陣間乎
陣隊間乎隊者也若夫造楯甲有九星開八門用
三奇者則又黃帝命風后爲之也蓋聖人以神道
設教以神其術使人莫知其所以然也大將居於
元武之位而北獸則常山蛇也故曰常山蛇陣
諸葛銅鼓紀事

前明萬曆元年巡撫曾省吾平九絲城獲諸葛銅
鼓擇其有聲者分天地人三號以獻銅鼓在蠻中

視爲寶器其有剝蝕而聲響者爲上上易牛千頭
次易牛七八百頭得鼓二三面即可雄視一方鼓
所鑄皆奇文異狀僅可辨者雕刻螭鷲閒綴蝦蟇
其數皆四舊志所載頗詳要從征伐得之非自然
呈現者也

國朝雍正十年閏五月二十五日石工吳占祥目兵
廖君亮等採石至黃螂所五馬寺岩洞內獲銅鼓
四其形圓高尺許上寬而中束下則敞口面各有
四水獸如蟾蜍形四周有細花紋皆剝蝕作翡翠

斑旁有四耳置水上以檜木桴擊之聲極圓潤微破者聲愈宏安阜營都司毛龍甲呈送總督黃廷桂賈獻

內庭按武侯集銅鼓者諸葛製以鎮蠻往往埋置山谷閒有云鼓去則蠻運終揆之理數確實不爽我皇上德威廣播四海一家如黃螂雷波遠近諸蠻久已輸誠向化盡入版圖雖以熨道夷疆皆得附郭依城耕田鑿井共享昇平之福宜乎地不愛寶上與慶雲疊應嘉祥較之武侯集所稱及往代所獲者

尤爲曠古罕覩而總督黃廷桂先以提督出師雷黃仰遵

睿算機畫咸宜帖然懾服茲當綏輯之餘化椎結爲編氓樂業安居納總納稭任封疆之重者惟有拜颺懽忭慶銅鼓之出惟其時矣

Blank manuscript page with vertical columns and faint bleed-through text.

